

Galesia

Pâlaŋ Zisas Kilaisiyelen am maŋge Galesia msalen mamamtemien ekŋengat zapat meluwaŋ kapi kumindaye

Pâlaŋ zapat meluwaŋ kapi kuye. Galesia zapat meluwaŋ kapiyet zet kuye keyaŋ an nânâŋin temaŋ Tâtâ Alakŋaŋgalen nânâ mulup mamiwan egaŋ zapat meluwaŋ kuye ma yek e zet kapiyetnaŋ timti zet ŋen kemak bemekti Pâliyelen ma egalen yek e zet Galesia kuye kapiyetnaŋaŋ zemusuwepme keyet kataŋ mamâlîp.

Pâlaŋ zapat meluwaŋ kapi kuyeen Kawawaŋgalen Zet Zapat Dolakŋaŋ Penaŋ am notnaŋ Zuda maŋgeen ku sokbemberaŋ ekŋenmagen alakŋaŋgat ma ŋeŋaŋ timti megeen kan keyet ekŋen dâpmeleŋge sambe msokbem mege. Ekŋengalen keŋaŋgatnaŋ ŋen ilak Galesia kapi ekŋengat zapat meluwaŋ kuye. Nukŋaŋ kapiyaŋ tageyepm Pâlaŋ zapat meluwaŋ kapi mge. An notnaŋ Zuda am maŋgeengatnaŋ Galesia msalen dâpmeleŋge tapmebien ekŋengat tunŋuwinanen meti Kawawaŋgalen Zet Zapat Dolakŋaŋ Penaŋ Pâlaŋ ekŋenmagen timet zeye ke tapmeŋgut sakŋaŋ naman Zuda am ekŋengalen yeŋsokŋineyaŋ Kawawaŋmak tusum mamayet zetik mimiŋaŋgalen betziŋ ke kegogak ewe pepep bemti tim mamayelen zewien. Betziŋ keyet piliŋaŋ sek butnaŋ maantimtemien. “Ŋep in nâmkinŋepemak mamayet Zisas nâmkinŋepeme ingalen bep. Kegok ke set penanaŋ penan mimiyeleŋ yangut keetaŋ ŋep penan yek. In kegok mti keyet palaŋaŋ sekŋin butnaŋ ewe antiseip wagak.” Zet kegok mozeme amnaŋ keŋ zut palen Kawawaŋgalen Zet Zapat Dolakŋaŋ Penaŋ Zisas nâmkinŋepemti mama kazizit aiik keyet mtobiengapmti Pâlaŋ zapat meluwaŋ kumti zet keboŋ keyaŋ Kawawaŋgalen zet ku mtotogalen nâmti kuye. Angalen mama mimi zetnaŋ Kawawaŋgalen zetmak ŋep ku lumaŋti tim mamayelen yegat satnaŋ penangat penan zemti kumindaye.

Zet ŋotekŋaŋ temaŋ kapigokgaŋ Galesia zapat meluwaŋ keŋaŋ talip:

1:1-10 Zet yaŋbem zenzeyelen zet

1:11-2:21 Pâlaŋ mulup kapi Kawawaŋaŋ ketalasim naŋge kegok zeye

3:1–4:31 Kawawaŋgalen keŋ taoletgat zet zapaŋnaŋ kapiyet mimiŋaŋ
 5:1–6:10 Dapmelaŋge ekŋen Zisasimagen tâtâŋin tazin keyepmti ekŋenaŋ
 kwitnaŋ ŋen mimiŋyelen e kwidendenŋaŋpiŋ
 6:11-18 Pâlaŋ zet zemdelan zein

Pâlaŋ Galesia am nâmkîŋpepemaŋ ekŋen indamukumin

1 ¹Neŋ Pâl, Kawawaŋgalen Zet Zapat Dolakŋaŋ Penaŋ zemkawaŋ bembeyet Zisasiŋaŋ ombemneŋge. Âpme neŋ wa an ŋenaŋ mulup kapi mimiŋet ku zemneŋge ma ku neme meban. Ningat Kawawaŋ Bipm egaŋ iŋkaŋ Zisas Kilais gakikiengatnan mme wage egelaŋ muluwit kapi mimiŋyelen zemnembun. ²Âpme neŋmak nâmkîŋpepeen an notnne sambe pien Galesia matalip ekŋenmak nin in indamukunup.

³Mme neŋ Kawawaŋ Bipm ma Amobotnaŋ Zisas Kilaisiŋaŋ keŋ taolet mimindamti indamukulem mimindeme keŋ sewakŋaŋaŋ ingat tunguwinan wemti weweyelen mandunduyap.

⁴Kawawaŋ Bipmnaŋ nâme weŋge keyet katnan Kilais zempeme egaŋ zet gawepumti nin yomengatnan gilik zemti ndatim kwakwagat iŋkaŋgat keŋaŋaŋ penaŋ mamaŋaŋ ke amgat belen ketalasime ekŋenaŋ kume gakiye. ⁵Keyepmti nin Kawawaŋgat nâmann mobotnaŋ beme kan kataŋ sesewatsapeŋ mamambanup. E penaŋ.

In Kawawaŋgalen Zet Zapat Dolakŋaŋ Penaŋ kapi ku zemyuŋguwep

⁶Kawawaŋaŋ in Kilaisiyelen keŋ taoletnaŋgapm indazemtetime ekmagen kobien. Ya in kot belak welep mti naman zet katnaŋ ŋen amgalen ŋoktikmak lumamaŋaŋ ke mamâlîpgapmti neŋ ingat nâmtemtem penaŋ mimindeŋap. ⁷In nâip, Kilaisiyelen zet katnaŋ penaŋ ŋen ku tazin. An notnaŋaŋ Kilaisiyelen Zet Zapat Dolakŋaŋ Penaŋ diindondoŋaŋ ke amgalen ŋoktikmak lumaŋti ingat ŋoktikŋin mamyuŋgumindeip. ⁸Keyepmti pigok zema nâit. Ninmagengatnaŋ an ŋen ma Kawawaŋgalen ensel kululuŋengatnaŋ ŋenaŋ zet katnaŋ diindowennen ke zemyuŋgumti ŋen diindowe beme an keboŋ ke Kawawaŋaŋ zemdelan zempeme teziŋ ŋandaŋgat zapat bewe! ⁹Âpme zet pi eweŋan zewan keyegak sakwalam zema nâit. An ŋenaŋ Kawawaŋgalen Zet Zapat Dolakŋaŋ Penaŋ diindowenn ke zemyuŋgumti zet katnaŋ ŋen diindoween an ke Kawawaŋaŋ welili mpeme teziŋ ŋandaŋgat zapat bewe.

¹⁰In nâme neŋ zet kapi amnaŋ nâmneme dolakŋaŋ bembeyet zeyap bein? E yek! Neŋ Kawawaŋaŋ iŋkaŋ nâmneme dolakŋaŋ bembeyet nâmti manzeyap. Neŋ nanagat amnaŋ nâmneme mobotnaŋ bewak ze zigoset Kilaisiyet mulup an mambak?

Kawawaŋaŋ Pâl mulupmangapm kumtetime koge

¹¹Notnne, neŋ zet kapigok zema nâit: Neŋ Kilais ikŋaŋmagengatnaŋ penaŋ Kawawaŋgalen Zet Zapat Dolakŋaŋ Penaŋ kapi timti diindowan wa ke ammagengatnaŋ yek. ¹²Neŋ Kawawaŋgalen Zet Zapat Dolakŋaŋ Penaŋ manzeyap kapi am ŋenmagengatnaŋ ku tiwan ma ŋenaŋ zemzikat ku mnaye. Zisas Kilaisiyaŋ ikŋaŋ zemzikat naŋge.

¹³Neŋ Zuda am nnaŋgalen nâmkŋipepe ke mâti mmamkwabannen zigok mamban ke in mamannaŋgat yaŋaŋ ŋep nâip. Neŋ windeŋaŋ penaŋ bemti Kawawaŋ nâmkŋipepeŋaŋ am maŋge ŋen maŋge ŋen sisipeŋpeŋ mimindamti indawalesâgât mamkwateman. ¹⁴Neŋ itnaŋaŋ Zuda am nnaŋgalen sesewat mama mimien nempa sememen kwep notnaŋ indasebemindemti yeŋpampne ekŋengalen mama mimi ke mâpmamti keyaŋ katikŋaŋ bem tatagalen mulup windeŋaŋbeŋ mammteman.

¹⁵Âpme Kawawaŋaŋ nâmnenge keyet kataŋ neŋ ewe sokbembepiŋ tapma eweŋaŋ tipman baenen egaŋ keŋ taoletnaŋgapmti naombemneŋge. Ma nâme weme nazemtetime ikŋaŋgalen mulup mamiap. ¹⁶Âpme kan beme ekbanen egaŋ Nemuaŋaŋ zikat name egalen buŋam zapat keyet yaŋaŋ am Zuda maŋgaen ku sokbembeŋaŋ ekŋengat ŋep zewak. Ma neŋ an ŋenmagen mepma zemmusuwewetgalen ŋoktik ku naŋge. ¹⁷Ma Zelusalem mkaen ku moti Zisasiyet nempaŋane an notnne eweŋaŋ yaŋbemti mammkwatemien ekŋen ku indikban. Neŋ belak Alebia msalen metatneti bam gilik zem Damaskas mkaen koban.

¹⁸Ke matokwatnepema nup kan tuk delaŋ zeme bam Pita eksâgât Zelusalem mkaen moti ekmak ke Sonda zut etaŋ mamban. ¹⁹Ekmak ke mamti Zisasiyet nempaŋane notnaŋ sambe ku tapme indikban. Amobotnaŋ Zisasiyet meniŋaŋ Zems etaŋgut tapme ekban.

²⁰Zet kapi dâsuki ku kumindayap. Penaŋ sukwep Kawawaŋgat zikatnan kuyap.

²¹Neŋ Zelusalem mka teman ke maneti keyetnan bam Silia ma Silisia msalen meti Kawawaŋgalen Zet Zapat Dolakŋaŋ Penaŋ diindom diindom meban. ²²Kan keyet Zudia msalen Kilais nâmkŋipepeŋaŋ am mambien ekŋenaŋ niknikpiŋ mme meban. ²³Neŋ mepma am notnaŋ ekŋenaŋ nâgât zapatn pigok etaŋ zeme nâmbien, “An nin sisipeŋpeŋ minndamti Zisasiyelen kwizet buŋamaŋ mme yek bembeyelen mulupmaŋ mamin piwan naman Zisas nâmkŋippemti egat kwizet buŋamaŋ zetnaŋ zemzikat indam tapmmezina.” ²⁴Ekŋenaŋ nâgât zapatn kegok zeme nâmti keŋin dolakŋaŋ penaŋ beme Kawawaŋgat wisikŋ zewien.

Pâlaŋ ombemindendeŋaŋ notnaŋ Zelusalem mkaen met indige

2 ¹Msat kataŋ matokwapmetnepema nup kan 14 delaŋ zeme Zelusalem mkaen ewe mesât tati Banabasimak Taitas ilisakwep

idatima neŋmak mebenn. ²Ke belak penaŋ ku mobenn Kawawaŋaŋ zet zemkawaŋ bem namti keŋŋ m elen beley beme mosâti eget idatimti moban. Moti am Zuda maŋgeen ku sokbembeŋaŋ ekŋenmagen Kawawaŋgalen Zet Zapat Dolakŋaŋ Penaŋ zemkawaŋ bemindawan keyet zapaŋaŋ an ŋeŋaŋ etaŋ ondekindemti ekŋen zemkawaŋ bemindawenn. Kapigok nâmtiyepm mbenn mneti ekŋenaŋ neŋ mulup mamiyap ma mkwabab keyet zemtalat neme mulupmnaŋ penaŋepiŋ benakmagen zemti kekok mbenn. ³Âpme Taitas ek kogogagak Glik msalengatnaŋaŋ wati mebelin keyepmti ondedagen ek sekŋaŋ butnaŋ antimpepeyet ku nâmpewien. ⁴Keyaŋgut ningalen ondedak keyet keŋan an belakŋaŋ notnaŋ nâmkîŋpepeen sakamnok mamaip ekŋenaŋ buzak buzak ondedagen motati nin Kilais Zisasmak tusum mamti lala mamap keyet yaŋŋ ndikmâtâti Zuda am ekŋengalen zii zet kandaŋan ke ewe gawepumti mimiyet nâmti Taitas sekŋaŋ butnaŋ antimpepeyet zemndewien. ⁵Zemâtâtndame nin ekŋen keboŋ ke ondedagen zet zenzeyet kawaŋaŋ isikŋaŋ bugan ku indawenn. Nin Kawawaŋgalen Zet Zapat Dolakŋaŋ Penaŋ keyelen setnaŋ ke inmagen mkaliŋaŋ bemann tatagat nâmti mulupmaŋ mamap.

⁶Nâmkîŋpepemak am ekŋenmagen an ŋeŋaŋ notnaŋaŋ amobotnaŋ sakam bemti ekŋenaŋ Zet Zapat Dolakŋaŋ Penaŋ zenze mulup mkwabien. Ekŋenaŋ nânâ alakŋaŋ ŋen ku zeme nâmban. Neŋ manzeyap sepem kekokak zemkwapme nâmban. Mobotnaŋ ma tototnaŋ, temaŋ ma isikŋaŋ, Kawawaŋaŋ nin sambe ndikme sepem kwep mambenup. ⁷Ekŋenaŋ ek nâme Kawawaŋaŋ Pita ek Zuda am ekŋenmagen Kawawaŋgalen Zet Zapat Dolakŋaŋ Penaŋ zemkawaŋ bembeyet zempeye. Âpme neŋgut am Zuda maŋgeen ku sokbembeŋaŋ ekŋenmagen mulup mimiyet zemneŋge. ⁸Mti Kawawaŋaŋ Pita Zisas Kilaisiyelen buŋam zapat zemkawaŋ bembeyelen kumtetimti winde same egaŋ Zuda am ekŋenmagen mulup mge. Âpme neŋ kekokak an Zisas Kilaisiyelen buŋam zapat zemkawaŋbembeyelen nakumtetimti winde namti zemneme am Zuda maŋgeen ku sokbembeŋaŋ ekŋenmagen mulup mimiyet zemneŋge. ⁹Neŋ Kawawaŋaŋ keŋ taolet mnamti mulup mobotnaŋ kapi naŋge. Mti Zemsmak, Pita ma Zân ekŋenaŋ am Kilais nâmkîŋpepeŋaŋ maŋge ekŋengat ŋeŋaŋin amobotnaŋ sakam bemti mambiengapm ndikmâtâti neŋmak Banabas nit notn minndemti bet butem ndemti nit am Zuda maŋgeen ku sokbembeŋaŋ ekŋenmagen mulup mimiyet zemâtâtndame mepmalu ilin Zuda am ekŋenmagen mulup ewe tusumti mbien. ¹⁰Âpme ekŋenaŋ ondedagen keyet nin am nâmkîŋpepemak msat notnanen maip ekŋenmagen met zemalu milawat notnaŋ beme timti nin am bekopsat Kawawaŋgalen dapmelange Zelusalem mka teman mamaip ekŋen indapmukulem mimindendeyet etaŋ zemndewien. Âpme neŋ mulup ke eweŋan baen windeŋambeŋ mammkwawalaŋ ya pi ewe mti indamukulem mmobap.

Pâlan Pitayelen myungungunaj eksokbeye

¹¹Âpme Pitayanj Antiok mka temanen kopme neŋ am sambe keŋan myungu yungunaj ombemti zewan e kwilekiyet egaŋ myungungu sosok penaŋ mge. ¹²Kelak tipman baen Zemsiyanj am nâmkinjpepemak Antiok mkaen ku indeme kobienen Pitayanj am nâmkinjpepemak Zuda mange ku sokbemberaj ekŋenmak tu meu manimtan. Yanan am ekŋen keyaŋ kot pataŋ pewien kan keyet egaŋ naman ekŋen Zuda mangeen ku sokbemberaj ekŋengat kingat kumti ekŋenmak tu meu ku manimtan. Enenogat egaŋ ekŋenaŋ yaŋŋ eksokbeseip ma an ekŋen keyaŋ am sekŋin butnaŋ antitiyelen keŋin temaŋ wenge keyepmti kingati mge. ¹³Âpme Zuda am nâmkinjpepemak notnaŋ sambe ekŋenaŋ yaŋbemti Pitayanj kingati mgenok sakamkwep mme Banabas mee kogak ekŋengat kingati sululuk mege. ¹⁴Kegok mti ekŋenaŋ Kawawangalen Zet Zapat Dolakŋaŋ Penaŋ tazin keyet kataŋ ku mâpme indikti neŋ am sambeyet zikalinan Pitayet pigok dunduwan, “Geŋ Zuda anaŋ, Zuda am ningalen mama mimi tazin keyet kataŋ ku maminik. Geŋ am Zuda mangeen ku sokbemberaj ekŋengalen mama mimi keyet katnan maminik ke ŋep penaŋ yek. Giti an keboŋaŋ naman zigok ekŋenaŋ Zuda am ningalen mama mimi keyet kataŋ mamayet maindapitiliniŋ?

¹⁵Nin Zuda am mange penaŋ wa nin am zupman mamaip amka yomtoŋ ekŋen keboŋ yek. ¹⁶Nin nânup an ŋenaŋ Zudayelen zii zet gawepumti keyepm Kawawangat zikatnan teŋ ku mambein. Zisas Kilaisiyet etaŋ nâmkinjpepemingut teŋ ŋep bembeyelen. Nin kegogak Zisas Kilais nâmkinjpewenngapmti Kawawangat zikatnan teŋ mama ke mammanup. Wa zii zetgat yek. ¹⁷Âpme am notnaŋ nin Kilaismak pepep bemti teŋ mamasâgât manzenup. Yaŋgut nin Kawawaŋaŋ ndikme am yomtoŋ mamaip ekŋen nemboŋak mambein keyepmti in nâme Kilais egaŋ yom mimiyet zemndeme mammanup bein? Wa kogok ke yek! ¹⁸Neŋ zii zet ekma dolakŋaŋ bein keyaŋgut zii zet ke mâti teŋ setnaŋ bembe ke set ku tazin keyepm naman bamkumpewan ke naman ewe mma kwapme mti mambap beme neŋ an zet kululutoŋ bewap. ¹⁹Âpme nin an gakikiŋaŋ sekŋaŋ ke mti zet muluwen ku mawapmotnup. Âpme neŋ kegogak am gakikiŋaŋnok mayap keyepmti zii zelaŋ ŋep ku zemnonak. Neŋ Kawawaŋ manâmkinjpeyapgapmti mama mimi teŋ penaŋ mamiyap. Keyepmti zii zelaŋ neŋmak Kilais tewen ndome gakiwelinoŋ bein. ²⁰Neŋ pigok nâmkinjpeyap Zisas Kilais tewen gakiye kan keyet mama miminn itnaŋaŋ bekaŋaŋ sambe bee aseŋme yek bemâge. Keyepmti neŋ alak pi mama miminn itnaŋaŋ bekaŋaŋ ke mâti mulup mamin, keyet kataŋ ku mamiyap. Neŋ Zisas Kilais egalen ŋoktik etaŋ mâti mamiyap. Âpme Kawawangat Nemunaŋ Zisas Kilais egaŋ nâgât kembeŋ nâmnemti yomm pumti gakiye. Keyepmti neŋ keyet nâmkinjpepema egaŋ nâgât keŋnan koti

matazingapmti egaŋ nâgât zet zigok ŋen manzein ke neŋ nâmti zetnaŋ maŋgawepuyap. ²¹Neŋ Kawawaŋgalen keŋ taolet am ninmagen sokbeye ke ku manzentalatpeyap. Zii zet gawepumti yompinŋ bembembe set ke tadak ze Kilais ek belak etaŋ gakiye kok zewenek.”

Zii zet gawepupu ma nâmkînpepeyelen zet

3 ¹Wakae, Galesia am seonŋ maŋge penaŋ! In am pe kwiyaŋ keŋin mme kilom beye? Neŋ Zisas Kilais tewen kumasasokpepeŋ keyet yaŋaŋ weyaŋ zemâtâtindama nâmbien. ²In zii zetgalen mama mimi ke mâpmamti Kawawaŋgalen Emetak Teŋ ke tiwien? Ma Kawawaŋgalen Zet Zapat Dolakŋaŋ Penaŋ kapi nâmti nâmkînpepmi Kawawaŋgalen Emetak Teŋ tiwien ze? Olak zeme nâmbi! ³In ke kwilekiyet seonŋ penaŋ beme delaŋ zemâzin? In Kawawaŋgalen Emetak Teŋgalen selen yaŋbemi mebienanŋ naman itnaŋaŋ ke ewe gilik zemti ilinaŋgalen windeen mdelaŋ zesâgât tapmip ma? ⁴In Kawawaŋgalen Emetak Teŋmak kot tusume kwitnaŋ kwitnaŋ nukŋaŋ inmagen sokbemindamâge ke in nâme belak penaŋ sokbemindaye kegok bein? ⁵Ma in zii zet mâti mamaip keyepmti Kawawaŋaŋ Emetak Teŋaŋ indamti menok inmagen mammsokbein? Yek, in Kawawaŋgalen Zet Zapat Dolakŋaŋ Penaŋ nâmti manâmkînpeip keyepmti menok mamip.

⁶Kawawaŋgalen Zet Itnaŋaŋ keyaŋ Abalaamgat pigok zenzenaŋaŋ tazin,

“Abalaamaŋ Kawawaŋgat nâmkînpeyepmti Kawawaŋaŋ egat nâme an teŋ beye.” (Sokbembe 15:6)

⁷Keyepmti in pigok penaŋ nâit, am nâmkînpepemak mamaip ekŋenaŋ Abalaamgat nemunambaŋaŋ penaŋ bemti mamaip. ⁸Am Zuda maŋgeen ku sokbembenaŋ ekŋenaŋ eyo nâmkînpepe aikme Kawawaŋaŋ indikme an imbi teŋ bembeyet zenzenaŋ keyepmti eweŋaŋ Kawawaŋaŋ Abalaamgat zet zapaŋaŋ kapi zeme Kawawaŋgalen Zet Itnaŋanen pigok kumpewien,

“Abalaam, geŋ nâmkînpepemak bewanan keyepmti geŋmagengatnaŋ alikdi sokbewe. Âpme am msat sambe ekŋenaŋ ek nâmkînpepmi set keeset kaisasatnaŋ ke mâti mme neŋ ekŋen aŋgalaŋindewap.”

(Sokbembe 12:3; 18:18; 22:18)

⁹Keyepmti am Kawawaŋ manâmkînpeip ekŋenaŋ Abalaamak tusume Kawawaŋaŋ nsakwep tewalaŋ sambe mandamkwatain.

¹⁰Âpme am notnaŋ zii zelaŋ ŋeŋaŋ bemindeme mamaip ekŋen Kawawaŋaŋ saik makumindein keyepmti Kawawaŋgalen Zet Itnaŋaŋ kapigok mimiŋaŋ tazin,

“Zii zelen zet sambe tazin ke ŋep ku kululuyelen. Am ŋenaŋ kwep ŋen makuluin beme ek Kawawaŋaŋ saik makumpein.”

(Zii Zet 27:26)

¹¹Keyepmti an ñenañ zii zet keyet keñan mamti naman neñ Kawawañgat zikatnan teñ penañ yompiñ mayap. Kegok ñep ku zenzeyelen elak Kawawañgalen zet piyañ sosok penañ pigok zemkawañ beme nânup,

“Nâmkinpepeen etañ Kawawañan indikme teñ mambeip am ekñen keyañ etañ mama kanzizit aikbep.” (Habakuk 2:4)

¹²Zii zetgat keñanen nâmkinpepeyet zetnañ ñen ku zenzenañ Kawawañgalen Zet Itnañan pigok gulak zenzenañ,

“An ñenañ zii zet sambe ke mâtî mamambe beme maneti keyet penañan mama kanzizit tiwe.” (Wok Pris 18:5)

¹³Âpme Kawawañgalen Zet Itnañanen zet ñen kapigok tazin,

“Am tewen maindom masasokindeip ekñen Kawawañan saik makumindein.” (Zii Zet 21:23)

Âpme Zisas ek yomepiñ yañgut egañ am yominmak Kawawañan saik kum indeme nukñañ matip sepem kegogak tiye. Kegok timti am zii zetgalen zemdelañ zenze muluwengatnan gilik zemndatiye. ¹⁴Zisas Kilaisiyelen zet gawepupu ma gakikiñañ pembenangapmti Kawawañan Abalaam Emetak Teñ sasayet zetik mpeye ke am Zuda mañgeen ku sokbembenañ ekñenañ ke time delañ zeye. Âpme nin nâmkinpepemak bemtingut Emetak Teñ titiyet Kawawañ ikñañ eweñan zapatnañ zemndendenañ ke ñep tiwanup.

Zii zet keyañ Kawawañgalen zetik mge ke ñep ku asekbe

¹⁵Nâmkinpepeen notnne, neñ kwitnañ kwitnañ masokbeme eknâminup keeset zet ñen pigok bem zema nâit: an zut ñenañ keñ kwep bemti muluwit kwileki ñen mimiyet zemkatik bermalu an ñenañ ku maasekidein ma an ñenañ nânâ ñen ku matusumidain.

¹⁶Kawawañan Abalaamak ñsokñane sambe ekñenmagengatnan an kwep ñenmagen kwitnañ kwitnañ dolakñañ bam sokbembeyet zetik mpeye. Kawawañgalen Zet Itnañanen muluwañ ke wa ñsokñane sambe ekñengat meluwañ mimiñañan ku mamañ nânup: ñsokñane sambe, ekñengat tunguwinangatnañ sokñañ kwewetañ egat zet zapatnañ mimiñañan mamañnup sokñañ ke Kilais. ¹⁷Kawawañan Abalaamak zemtâmti tâtâ ke mkatikñañ beye ma zetik mge ke ñep ku asesekgalen. Kegok mti mamkwatnepeme nup kan 430 bemengut zii zet 10 ke Moses saye. Keyepmti zii zet keyañ Kawawañan Abalaamak tâtâ mti kwitnañ kwitnañ ke sokbembeyet zetik mpeye ke ñep ku asekbe. ¹⁸Zii zet ekñen kapi weyañ gawepumann delañ zeme keyañ yomengatnan gilik zemti ndatiti set ke tadak ze nin naman zetik mimiñañ keyet katañ ku mbenek. Âpme Kawawañan keñ taoletnañgat Abalaam zetik mpeye keyet penañ saye.

¹⁹Âpme naman yañañ eneyet penañ Kawawañan zii zet kapi beye? Kawawañan am ekñenañ yommnañgat yañañ ekmâtâtâtgat nâmti zii zet kapi indaye. Zii zet ke mti manepeme zetik mimiñañ keyet penañan

Kilaisiyan am mamain sokbeme zii zet kapi delan zenzeyet zenzenan. Kuknangkat Kawawaŋan zii zet ke ensel nŋangat betnan beme egaŋ mti Kawawaŋ ma am eknŋangat an tunguwin Moses egat betnan beye. Beme Mosesiyan mti kot yeŋsokŋine ekŋen indamti zemâtâtindaye. ²⁰Âpme kuknangkat Kawawaŋan Abalaamgat zetik mpeyeen egaŋ igak etaŋ zeye. An nŋenan tungupman tatat ke yek penaŋ, ensel ma Moses mee kogak yek.

Zii zelaŋ gapmukulem mti Kilaismagen ku gaikmebe

²¹Keyepmti in nâme zii zet alakgatnaŋ zeya keyaŋ Kawawaŋan eweŋan zetik mge ke nŋep penpeme mebe bein? E nŋep ku mimiyelen. Kawawaŋan zii zet kapiŋset amnaŋ mama titiyet set aikndaye ze amnaŋ zet keeset etaŋ mepme Kawawaŋan indikme teŋ beme mama nŋep maaik indamanak. ²²Yanŋgut Kawawaŋalen Zet Itnaŋan nin pigok zikat ndain: Msalen am sambe bepi yom mimiyet tikŋaŋin omba penaŋ matazin. Keyepmti an nŋenan Zisas Kilais nâmkinpewe beme Kawawaŋan Emetak Teŋaŋ ke taolet ndandayet zetik mge ke sawe.

²³Nin eweŋan nâmkinpepeyelen setnaŋ ewe sokbemndandapiŋ tapme zii zet katikŋaŋ kandaŋan tatnepemann nâmkinpepeyet zetik mimiŋaŋ keyet penaŋaŋ sokbemkawaŋ bem ndaye. ²⁴Zii zelaŋ ndamusuweti mandalem kwatnepeme Kilaisiyan iŋkaŋ kopme ek nâmkinpemt i Kawawaŋat zikatnan yompiŋ teŋ bembeyet kekok mimiŋaŋ. ²⁵Kilaisiyan kopme nin egat nâmkinpemt i keyet sakŋan gwaenen nin zii zetgat kandaŋan nŋen ewe ku matatnup.

Nâmkinpepeen nin Kawawaŋat nenunambaŋane mambenup

²⁶In Kilais Zisas nâmkinpewiengapmti in Kawawaŋat nambaŋan bemti mamaip. ²⁷In Kilaismak tususu mme tu zulutindeme Kilais iŋkaŋ nemboŋak bewien. ²⁸Kegok mti am sambe Zuda ma am Zuda manŋeen ku sokbembeŋaŋ ma sisiliŋ nempa ma am belak lala mamaip ma an ma imbi nin sambe Kilaismak tusumti am manŋe kwep kwabien. ²⁹In Kilaisiyet zapat bewien kan keyet in Abalaamgat iŋsokŋane penaŋ bewien. Mti eweŋan Kawawaŋan Abalaamgat zetik mpeye keyet penaŋaŋ Emetak Teŋ timti mamaip.

Nin Kawawaŋat nambaŋane mambenup

4 ¹Neŋ bemzenze zet nŋen ewe kapigok zema nâit. Nempa isikŋaŋ nŋen bipmaŋ gakime sakwep keyegak bipmaŋgalen kwitnaŋ kwitnaŋ keyet toŋaŋ bemti damuŋ ku mamain. Ek anempa isikŋaŋ bugan keyepmti egaŋ kwitnaŋ kwitnaŋaŋ keyet sisiliŋ etaŋ main. Egaŋ nŋep ku damuŋ mimiyelen keyepmti ²bipmaŋ isikŋaŋ egaŋ datnaŋaŋ kwitnaŋ kwitnaŋ yaloŋ pemti gakiye ke time kwaopme ekdamuŋ mti manepeme nempa isikŋaŋgat bipmaŋaŋ kan beye ke bududuk beme nempa iŋkaŋgat

betnan beme iŋŋaŋ ekdamuŋ mamin. ³Eweŋan nin nemba isikŋaŋ keboŋ sisiliŋ nemba bemti zii zet ma Zuda ekŋengalen set sambe notnaŋ bemberaŋ keyet kandaŋan meti kapiyaŋ mama kanzizit ŋep aikndasem zemti ke mâti manepemann bam Kilaisiyaŋ koge. ⁴Kawawaŋaŋ kan nâmpaye kan ke kopme iŋŋaŋgat Nemuaŋaŋ penaŋ Zisas ke Zuda imbi ŋeniyet keŋan beme kambakmak tati ambege. Ambepme egaŋ Zuda amgalen zii zet gawepumti mamtan. ⁵Egaŋ ke nin zii zetgat kandaŋangatanŋan gilik zemndatime Kawawaŋgat nemberaŋene bembeyet nâmti keŋok mge.

⁶Egaŋ keŋok mti indatime in egat nemuŋane bewien keyepmti Kawawaŋaŋ Nemuaŋaŋgat Emetagaŋ butnaŋ ke ningat keŋŋnan peme toweti egaŋ mme nin nâmtalati Kawawaŋgat kwizet pigok makunup, “Bien, Bien!” ⁷Keyepmti nin zii zet kandan an sisiliŋ nemba ewe ku mamanup. Nin Kawawaŋgat nemuŋane penaŋ bemti mamanupgapmti ekmagengatanŋan kwitnaŋ kwitnaŋ dolakŋaŋ kopme matinup.

Pâlaŋ Galesia am nâmkîŋpepeŋinmak ekŋengat yayaŋ mge

⁸In eweŋan Kawawaŋgat yaŋaŋ ku weyaŋ nâmtâtâti keyepm Kawawaŋaŋ kwitnaŋ kwitnaŋ zeme sokbem mâge keyet nâme kawawaŋ dâsuki mmonzempemti keyet kandaŋan meti mambien. ⁹Yaŋ alak in Kawawaŋaŋ penaŋ egat yaŋaŋ ilak nâmtâtâlîp ma gilik zem kapigok zema ŋep besem Kawawaŋaŋ ingat yaŋaŋin nâmtâtâzin. Âpme in eneyet naman gilik zemti Kawawaŋaŋ kwitnaŋ kwitnaŋ mge kemagen tapmelip. Kwitnaŋ kwitnaŋ belakŋaŋ keboŋ keyaŋ in indamukulem mimindendeyet windenaŋ ŋen ku tazin, yek penaŋ. Âpme in yaŋaŋ ke nâmtiŋgut naman kwilekiyet keyet kandaŋan ewe mebegalenak mamip? ¹⁰In kendo sambe sepem igak igak pi tapmeti keyet nâme mobotnaŋ beme ¹¹keyet kandaŋan mepmâpme neŋ mulupm inimagen mban keyaŋ penaŋepiŋ besemagen zemti keyet omba penaŋ maembembeliap.

¹²Notnne, in neŋ Kawawaŋgat manâmkîŋpeyap kegogak nâmkîŋpepeyet nâmti zeap. In nukŋaŋ ŋen ku aik nawien. Keŋok tusumti mmobotgat wekum indayap. ¹³Nâip, neŋ eweŋan sek zawalaŋ naikgeyepmti inmak ke tati in Kawawaŋgalen Zet Zapat Dolakŋaŋ Penaŋ diindowan. ¹⁴Âpme zawat sebet susuk igagen penaŋ sokbemname in nâmneme mgasik beme ku nikŋiŋgabien. Yek, in nikme Kawawaŋgalen ensel ŋenok bewan ma Zisas Kilaisnok bema nikdamuŋ dolakŋaŋ penaŋ mnawien. ¹⁵Kan keyet Kawawaŋgalen Zet Zapat Dolakŋaŋ Penaŋ diindoma nâmti oloŋen mbien. E naman eneyet pigogat windenaŋ peme tatozin? Kan keyet in zikalin kwanzemti neŋ nanayelen benak ze in nâgât zikatn bekaŋaŋ kwanzemnemti ingalen pemberaŋ keyaŋ wetneme neŋ mulup inimagen ewe tusumti mbak. ¹⁶Yanaman kan pigogat zet penaŋ sukwep diindoma in kwilekiyet neŋ naman nikme kasaŋin bema mambamkunneip?

¹⁷Âpme am zii zet zikat indanda dâsuki notnaŋ mamaip. Ekŋenaŋ in ekŋenmak met tusumti mamayet nâmti zet kelakŋaŋ mamimindeip. Ekŋenaŋ ɲep indamukulem mimindeme mama kanzizit ɲep ku tiwep. Ekŋenaŋ belak tususuŋin neŋmak tazin ke elengem indeme in met ekŋenmak mamayet nâmti kekok mamip. ¹⁸Neŋ inmak ke mama ekŋenaŋ kwitnaŋ kwitnaŋ dolakŋaŋgat setnaŋ zikat indamti indamukulem mme keyaŋ ɲep benak. Âk neŋ beŋan piyen mama ekŋenaŋ zet kelakŋaŋ etaŋ mimindamti indatimti ilinaŋgalen mamaen mesât manzeip ke dolakŋaŋ penaŋ yek. ¹⁹Nembanne, neŋ in Kilaisiyelen mama mimi tazin sepem kekok titiyelen nâmti keŋŋ sindem temaŋ penaŋ beme inmagen mulup mamiap. Imbi ɲenaŋ nembaŋaŋ sokbesâpmmme sek sindem matin sindem sepem keboŋ manâyaŋ. ²⁰Neŋ alak pi inmak ke tabak ze dolakŋaŋ penaŋ. Neŋ ingalen nukŋaŋ ke eknâm mti ɲep indamukulem mimindewak. Âk neŋ beŋan penaŋ pien tati ingalen nukŋaŋ ke zigoset ekti indamukulem mimiyelen ke ku nâmtiyepm ingat yayaŋ temaŋ penaŋ mimindeyaŋ.

Selamak Aga egetmagen bemzenze zet zenzenaŋ

²¹Neŋ am in zii zet keyet keŋan meti mamaip in pigok indayaŋkwesima zeit, in zii zelaŋ zigok penaŋ zein keyet yaŋaŋ zemkawaŋ beme nâmbi? ²²Kawawaŋgalen Zet Itnaŋanen zet pigok zemkawaŋ bein, “Abalaamgat nemuŋanet zut sokbewun, ɲen ikŋaŋgat imbiŋaŋ penaŋ kwitnaŋ Sela ekmagengatnaŋ sokbeye. ɲen sisiliŋ imbiŋaŋ kwitnaŋ Aga ekmagengatnaŋ sokbeye. ²³Âpme sisiliŋ imbiŋaŋmak ambebun ke Abalaamgalen ɲoktigengatnaŋ etaŋ sokbeye. Âpme imbiŋaŋ penaŋ kemak ambebun ke Kawawaŋaŋ zetik mpeye keyet katnaŋ sokbeye.” ²⁴Keyepmti nin eknuwen imbi Aga ek Kawawaŋaŋ Sainai Kalaŋan Moses zii zet saye sepem keboŋ. Ma imbi Sela ek Kawawaŋaŋ Abalaamgat ɲsokŋane sambe sokbembeyet zetik mge sepem keboŋ. Aga ek sisiliŋ imbi etaŋ mamtan keyepmti ɲsokŋane ekŋenaŋ sisiliŋ am bemâbien. ²⁵Sisiliŋ imbi Aga ke Alebia msalen Sainai Kalaŋ tazin keyet sesepmaŋ bein. Yaŋ alak Aga egaŋ Zelusalem mka temaŋ keyet sesepmaŋ bein. Zelusalem mka ma am ke matalip ekŋenaŋ zii zetgat kandaŋan meti sisiliŋ mamip. ²⁶Âpme Abalaamgat imbiŋaŋ penaŋ keyaŋ Zelusalem alakŋaŋ kululuŋen gwaen Kawawaŋgat kandaŋan tazin keyet sesepmaŋ bein. Âpme Zelusalem kululuŋen tazin keyaŋ am lala mamanuŋ ningat mamm kekok bein. ²⁷Kawawaŋgalen Zet Itnaŋanen zet kapigok tazin, “Imbi tipkatik mamaniŋ geŋ nempa ambesâgât sek sindem ku matinik. Keyet mti geŋ oloŋen mti kwizet temaŋ ku. Bam Kawawaŋaŋ geŋmagen menok mme geŋmagen nempa sambe penaŋ sokbem mâbep. Sisiliŋ mulup imbindaŋ nempa ambege ke sebempemti gâlenaŋ omba penaŋ sokbemâbep.” (Aizaya 54:1)

²⁸Âpme Aisakaŋ Kawawaŋaŋ zetik mge keyet kataŋ sokbeye. Yaŋ alak pi notnne in Kawawaŋaŋ zetik mge keyet kataŋ sokbemti egat

nemunambaꝋane bemti mamaip. ²⁹Âpme nemba sisiliꝋ imbi Agamagen sokbeye egaꝋ Kawawaꝋgalen Emetak Teꝋaꝋ menok mme sokbeye nemba ke kasa kasa msaye. Sepem kegogak alak pi am zii zetgalen set mâti mamaip ekꝋenaꝋ nin kasa kasa maminndaip. ³⁰Âpme keyet Kawawaꝋgalen Zet Itnaꝋanen zigok penaꝋ zenzeꝋaꝋaꝋ tazin?

“Sisiliꝋ imbi ek nemuꝋaꝋmak ilisakwep idamâpmane msat belakꝋaꝋ melit. Mneti sisiliꝋ imbi egalen nemuꝋaꝋ keyaꝋ imbindi penaꝋgalen nemba keyelen kwitnaꝋ kwitnaꝋ ke toꝋaꝋ bewemagat.” (Sokbembe 21:10)

³¹Keyepmti notnne, wa nin sisiliꝋ imbi keyelen nemunambaꝋane yek. Nin Abalaam iꝋꝋaꝋgat imbiꝋaꝋ penaꝋ egalen nemunambaꝋane mamanup.

Nin lala manuwaꝋ lalayegak penaꝋ mambanup

5 ¹Kilaisiyaꝋ in mme lala mekoti maip keyepmti in lala bubuk mekoti mambep. Keyepmti in am notnaꝋ kawaꝋaꝋ bugan indame ekꝋenaꝋ Zuda am ekꝋengalen zii zet keyet kandaꝋan meti mamayet zet kelakꝋaꝋ mimindamti ku indatiwep.

²Neꝋ zet kaliꝋaꝋ kapigok zema nâit, in sekꝋin butnaꝋ antim indendeyet zeme nâmindewep beme Kilaisiyet gakikiꝋaꝋ keyet nâme belakꝋaꝋ penaꝋ bewe.

³Neꝋ zet keyegak ewe sakwalamti penaꝋ pigok diindoma nâit, mneti an ꝋenaꝋ sekꝋaꝋ butnaꝋ antitiyet nâmindewe beme zii zet sambe ke esemteꝋ weyaꝋ gawepume delaꝋ zemâbe. ⁴In zii zet gawepumann Kawawaꝋaꝋ indikme teꝋ besenup zemti mamip. Inmagen Kilaismak tususu mbien e ilak etime delaꝋ zeye. Keyepmti Kawawaꝋgalen keꝋ taolelaꝋ inmagen ku matazin. ⁵Keyaꝋgut nin Kawawaꝋgalen Emetak Tengalen windeyaꝋ nâmkꝋiꝋpepeꝋinan ndamukulem mimindeme mulup dolakꝋaꝋ mmann Kawawaꝋaꝋ nin nâmindeme teꝋ bembeyet webemti damuꝋ matatnup. ⁶Nin Zisas Kilaismak tususu mbennen am sekꝋin butnaꝋ antitinaꝋ ma sekꝋin butnaꝋ antitipiꝋ mama mimi keyet nâma kwitnaꝋ kwitnaꝋ ꝋotekꝋaꝋ penaꝋ ku beye. Nin nâmkꝋiꝋpepeen gogot palen mama keyet nâmann penaꝋaꝋ penaꝋ bein.

⁷Eweꝋaꝋ in Kawawaꝋgalen zet katnaꝋ penaꝋset mama mimi dolakꝋaꝋ ke mkwabien. Yaꝋ alak kwi ꝋenaꝋ zigoset zet kelakꝋaꝋ mimindeme Kawawaꝋgalen zet katnaꝋ bamkumpemti naman set ꝋen ꝋaset mâti mamelip? ⁸In Kawawaꝋaꝋ indakumtetime kot egat zapat bewien. Yaꝋ egaꝋ in mama mimi bekaꝋaꝋ ke mimiyet egaꝋ zet kelakꝋaꝋ mimindeme ku mamip. ⁹Nâip, nin yis isikꝋaꝋ bugan nupmanaꝋ keꝋan pemann toti keyaꝋ nupmanaꝋ mme omba penaꝋ masemem kwapme eknup. Sepem kegogak an bekaꝋaꝋ kwewaꝋ am dolakꝋaꝋ sambe ꝋotikꝋin mamme yuꝋꝋum temezin. ¹⁰Neꝋ in Kawawaꝋgalen Zet Zapat Dolakꝋaꝋ Penaꝋ ꝋep ku katik pewep ke nâmkatikbemindeyaꝋ. Nin Amobotnaꝋ Kilaismak

tususunn tazin keyepmti in ɲoktik sepemaŋ ɲen ku mâti mebeɸ ke penañ nâmkɲpem indeyap. Âpme am zii zet mâti mamaip ekɲenaŋ keɲin mamimyuŋguip keyepmti bamgat yomin keyet dopmaŋ Kawawaŋaŋ mutumindawe.

¹¹Notnne, neŋ amnaŋ sekɲin butnaŋ antitiyet zetnaŋ diindowak ze zigoset Zuda am ekɲenaŋ sisipenpeŋ mnawiek? Ma kekok diindowak benagen Kilais tewen kumasasokpeme gakiye keyet zapatnaŋ zemann manâmbekambemndeip e kekokak ku mbiek? ¹²Am in sekɲin butnaŋ antim pepeyet zetnaŋ mandiindoip ekɲen keboŋ ke indikti diindome ilinangat kalin sowep.

¹³Notnne, in lala mamayet nâmti Kilaisiyaŋ indazemtetime kobien. Keyepmti in kapigok ku nâseip. Nin lala tatnup keyepmti mama mimi itnaŋaŋ ke ewe timann kwapme mne kekok ku otnâit in ilinak mukulem mukulem mti gogot palen mambep. ¹⁴Âpme zii zet sambe keyet zet ɲotekɲaŋ temaŋ pigok pende mti zenzeŋaŋ,

“Gitangat mangembein keyet kataŋ am notnaŋ ekɲengat gogot mimindewanik.”

(Wok Pris 19:18)

¹⁵In mneti tuŋguwinaŋ zet mdândândâ mti dopmaŋ mekum kokum mti am mama mimiŋin dolakɲaŋ tazin ke walep mâbepmagen zemti yayaŋ zet kapi diindoyap.

Emetak Teŋaŋ mama mimi alakɲaŋ kapigok manndain

¹⁶Neŋ ingat pigok penañ zema nâip: In Kawawaŋgalen Emetak Teŋ ek nâmpeme ingat mama mimiŋin damuŋ mbe. Kegok mme in keŋ itnaŋaŋgalen mama mimi bekaŋaŋ keyelen tikɲaŋ ke ku mâpmebeɸ. ¹⁷Keŋ itnaŋaŋgalen mama mimi bekaŋaŋ keyelen tikɲaŋaŋ Kawawaŋgalen Emetak Teŋ kasa mammpein. Âpme naman Kawawaŋgalen Emetak Teŋaŋ kekokak keŋ itnaŋaŋgalen mama mimi bekaŋaŋ ke kasa mammpeinegak. Egeleŋ kasa kasa kekok mmalu in kwitnaŋ kwitnaŋ notnaŋ msât maotnâip ke eleŋ beleŋ bemti ɲep ku mamip. ¹⁸In Kawawaŋgalen Emetak Teŋaŋ indadamuŋ mbe beme zii zetgat kandaŋan ewe ku mambep.

¹⁹Keŋ itnaŋaŋgalen mama mimi sambe bee wa enzililiŋan ku tazin. Ke sosok kapigok ma sokbeme eknup: Imbimak set kileŋ mama ma muluwaŋ okbi okbiŋaŋmak muluwaŋ bekaŋangat mimiyet keŋ wawat. ²⁰Ma nopiom sesewatindaip ke ma aindindi ma mulup kwitnaŋ kwitnaŋ we bekaŋaŋmak mee notnaŋ mamip. Ma kasa kasa mti an ââ ma am notnaŋgat nâmbembe mimi ma ɲenzinziŋ ma ilinangat kwitnaŋ kwitnaŋin sambe tatagat mulup temaŋ mimi ma mdândâmti manɲe kalalaŋ ²¹ma eyak zet ma tu katikɲaŋ nimti keŋ kileŋ mama ma ondedak keŋan mama mimi bekaŋaŋ penañ mti mama mimi sambe keboŋ keboŋ ke mamip. Am ekɲen keboŋ keyaŋ Kawawaŋgalen zemâtâtât katnanen mamaen ku mambep.

22 Âpme am Kawawaŋgalen Emetak Terŋmak mamaip ekŋengat mamaŋinaŋ mulup mme penanaŋ kapigok masokbein: Ammak gogot mama ma oloŋen palen mama ma keŋ sewakŋaŋ palen mama ma mama mimi sewak sewak mti mama am indamukulem mimi ma dopmaŋ mukulem mukulem mti mama ma zegawepupumak mama ma 23 keŋ mtoti mama ma segaŋ mama mimi bekaŋaŋgat manâin keyet windenaŋ mtopemti mamti, mama mimi dolakŋaŋ keboŋ keboŋ ke zii zet ŋenaŋ ku mtopepeyelen. 24 Am Zisas Kilaisiyet zapat mamaip ekŋenaŋ keŋ itnaŋaŋgalen mama mimi bekaŋaŋgat tikŋaŋ keyaŋ indapmandame yom mamip, keyelen windenaŋ ke Kawawaŋgalen Emetak Terŋaŋ indamukulem mimindeme keŋ itnaŋaŋgalen winde omba penan mtopeme delaŋ zemâge. 25 In Kawawaŋgalen Emetak Tengalen windeyet maip beme egalen windeen negak mamebep. 26 Nin nnaŋgat sekŋ mmoti notnne notnaŋ ekŋengat keŋin mmann bekaŋaŋ ku bewe. Ma nin notnne notnaŋ ekŋengat nâmbembe ku mbanup.

Dopmaŋ mukulem mukulem mti nukŋaŋin pumti mamambep

6 1 Notnne, inmagengatnaŋ ŋenaŋ tetimaemaen sukŋaŋ bemti yom mme in Kawawaŋgalen Emetak Terŋmak nâmkŋepepeŋin kaliŋaŋ matazinaŋ sewak sewak mti an ke mama mimiŋaŋ weyaŋpewep. In egat mobotnaŋ mti sakambuk mti sakambuk samti ku mtopewep. Mneti mseŋan Sadaŋaŋ in kegogak indatetim indeme toindoweyet weyaŋ eksemti mbep. 2 Tuŋguwinan nukŋaŋ notnaŋ masokbemindain ke ilinak mukulem mukulem mti gapuwep. Kegok mti Kilaisiyelen zii zet bee ŋep gawepuwep. 3 An ŋenaŋ ikŋaŋ neŋ amobotnaŋ mayap nâmbep yaŋgut am ekŋenaŋ egat nâmbep amobotnaŋ ku bewe beme egaŋ belak sek mmobot etaŋ mbe. 4 Keyepmti am kwep kwewaŋ ilinaŋgat muluwinagaŋ yaŋaŋin weyaŋ ekmâtâbep. Ekme muluwinan dolakŋaŋ bewe bemengut muluwin keyet nâmbep ilinaŋgat sekŋin mmobep. Yaŋgut in ilinaŋgalen mulupmak nolin ŋengalen mulupmak ku bemak ekbep. 5 Mti am kwep kwewaŋ ilinaŋgat nukŋaŋin ikŋaŋgat ikŋaŋgat timti met Kawawaŋgat betnan bewep.

6 In an Kawawaŋgalen Zet Zapat Dolakŋaŋ Penan diindom zikat indamamip ekŋen ke segalen bandim indamukulem mimindeme mamti mulup mbep.

7 In kapigok ku nâmyuŋguwep. Kawawaŋ tetipewep beme in an tetimaee toŋaŋ bewep. Am ŋenaŋ mulupmanen kwitnaŋ kwitnaŋ maondein keyet penanaŋ ikŋaŋ keyegak sokbeme matin. 8 Keyepmti am ŋenaŋ mama mimi bekaŋaŋ ke keŋanen bemisik tabe beme egaŋ maneti keyet penanaŋ bekaŋaŋgak timti walelet temaŋ aikbe. Ma am ŋenaŋ Emetak Tengalen mama mimi dolakŋaŋ sambe ke keŋanen tabe beme egaŋ maneti keyet penanaŋ mama kanzizit ke tiwe. 9 Keyepmti nin

kwitnaŋ kwitnaŋ dolakŋaŋ mimiyeŋ sekaŋaŋ palen ku mne. Nin sisiliŋ palen mbanup beme penaŋaŋ titi kanen nin omba penaŋ ndamkwatame timti nimwiaŋ wiaŋ temaŋ mbanup. ¹⁰Kegogapmti nin timti mulup dolakŋaŋ mti am notnaŋ indamukulem mimiyeŋ setnaŋ sokbemndawe kataŋ mbanup. Kilais nâmkijpepeŋaŋ ekjenmagen yaŋbemti mpemann mebe.

Pâlaŋ zetnaŋ delaŋ zenzeŋaŋ zesâti aŋkeŋoo zet zeye

¹¹In papiaen muluwaŋ kasetnaŋ temaŋ temaŋ penaŋ nen betnnaŋ penaŋ kumindayapgat egit! ¹²Am notnaŋ ekjenanaŋ amgat zikalinan kwizet buŋamak bembeyet nâmti in sekjin butnaŋ antitiyeŋ zet giŋgiŋ penaŋ mamiindeip. Ekjenanaŋ Kilais tewen gakiye keyet zetnaŋ etaŋ zemann sisipeŋpeŋ sokbemndasemagen zemti kekok mamip. ¹³An sekjin butnaŋ antitiŋaŋmak ekjen sambe keyaŋ zii zet sambe bee weyaŋ dolakŋaŋ penaŋ ku maŋgawepup. Ekjenanaŋ in nâmindeme ingat sekjin butnaŋ antim indeme in ekjenmak tusumti ilinaŋgat kwizet buŋamin mmot indendeyet nâmti kekok manzeip. ¹⁴Âpme nengut Amobotnaŋaŋ Zisas Kilais tewen gakiye keyet nâma mobotnaŋ beme keyet nâpeŋ mamayap. Neŋ msalen kwitnaŋ kwitnaŋ tazin keyet nâma mobotnaŋ ku mambein ma ekjenanaŋ kegogak nâgât mobotnaŋ ku matalip. ¹⁵Am sekjin butnaŋ antitiŋaŋ ma am sekjin butnaŋ antitipiŋ keyaŋ penaŋaŋ penaŋ ku bein. Kawawaŋaŋ mama alakŋaŋ aikndaye keyaŋ penaŋaŋ penaŋ bein. ¹⁶Ma am sambe zet zeya kapi nâmti maŋgawepup in ma am Zisas Kilais manâmkijpemamaip in Israel alakŋaŋ Kawawaŋaŋ aŋgalaŋ gogot mimindeme keŋ sewakŋaŋ palen mamayeti nâmti dunduyap.

¹⁷Pilak zetn pigok zemdelaŋ zesowap: Notnne, neŋ Kilaisiyelen sisiliŋ an bema sek yemben sambe tamezin ma sisipeŋpeŋ omba mnawien keyepmti am ŋenaŋ neŋ ŋep ku mtot neneyelen.

¹⁸Notnne, Amobotnaŋaŋ Zisas Kilais egalen keŋ taolelaŋ inmak weweyeti nâmti dunduyap. Penaŋ.